

律  
疏  
補  
書

律集前書

酉陽雜俎續集目錄

第一卷

支諾臯上

第二卷

支諾臯中

第三卷

支諾臯下

第四卷

貶誤

第五卷

寺塔記上

第六卷

寺塔記下

第七卷

金剛經鳩異

第八卷

支動

第九卷

支植上

第十卷

支植下

酉陽雜俎續集目錄終

酉陽雜俎續集卷第一

唐 臨淄段成式柯古撰

明 古虞毛 晉子晉訂

支諾臯上

新羅國有第一貴族金哥其遠祖名旁奄有弟一人甚有家財其兄旁奄因分居乞衣食國人有與其隙地一畝乃求蠶穀種於弟弟蒸而與之奄不知也至蠶時有一蠶生焉目長寸餘居旬大如牛食數樹葉不足其弟知之伺間殺其蠶

經曰四方百里內蠶飛集其家國人謂之巨蠶  
意其蠶之王也四鄰共繰之不供穀唯一莖植  
焉其穗長尺餘旁匏常守之忽爲鳥所折銜去  
旁匏逐之上山五六里鳥入一石罅日沒徑黑  
旁匏因止石側至夜半月明見群小兒赤衣共  
戲一小兒云爾要何物一曰要酒小兒露一金  
錐子擊石酒及樽悉具一曰要食又擊之餅餌  
羹炙羅於石上良久飲食而散以金錐插於石  
罅旁匏大喜取其錐而還所欲隨擊而辦因是

富侔國力常以珠璣贍其弟弟方始悔其前所  
欺蠶穀事仍謂旁也試以蠶穀欺我我或如兄  
得金錐也旁也知其愚諭之不及乃如其言弟  
蠶之止得一蠶如常蠶穀種之復一莖植焉將  
熟亦爲鳥所銜其弟大悅隨之入山至鳥入處  
遇群鬼怒曰是竊予金錐者乃執之謂口爾欲  
爲我築糠一作塘三版乎欲爾鼻長一丈乎其弟  
請築糠三版三日飢困不成求哀於鬼乃拔其  
鼻鼻如象而歸國人怪而聚觀之慚恚而卒其

後子孫戲擊錐求狼糞因雷震錐失所在

臨瀨

一作湍

西北有寺寺僧智通常持法華經入禪

每晏坐必求寒林靜境殆非人所至經數年忽  
夜有人環其院呼智通至曉聲方息歷三夜聲  
侵戶智通不耐應曰汝呼我何事可入來言也  
有物長六尺餘皂衣青面張目巨吻見僧初亦  
合手智通熟視良久謂曰爾寒乎就是向火物  
亦就坐智通但念經至五更物爲火所醉因閉  
目開口據爐而鼾智通覩之乃以香匙舉灰火

寘其口中物大呼起走至閭若蹶聲其寺背山  
智通及明視蹶處得木皮一片登山尋之數里  
見大青桐樹稍已童矣其下凹根若新缺然僧  
以木皮附之合無蹤隙其半有薪者創成一蹬  
深六寸餘蓋魅之口灰火滿其中火猶熒熒智  
通以焚之其恠自絕

南人相傳秦漢前有洞主吳氏土人呼爲吳洞娶

兩妻一妻卒有女名葉限少惠善陶

一作鈎

金父

愛之未歲父卒爲後母所苦常令樵險汲深時

嘗得一鱗二寸餘賴鬻金日遂潛養於盆水日  
日長易數器大不能受乃投於後池中女所得  
餘食輒沉以食之女至池魚必露首枕岸他人  
至不復出其母知之每伺之魚未嘗見也因詐  
女曰爾無勞乎吾爲爾新其襦乃易其弊衣後  
令汲於他泉計里數百一作里也母徐衣其女衣  
袖利刃行向池呼魚魚卽出首因斤殺之魚已  
長丈餘膳其肉味倍常魚藏其骨於鬱樓之下  
逾日女至向池不復見魚矣乃哭於野忽有人

被髮簾衣自天而降慰女曰爾無哭爾母殺爾  
魚矣骨在龔下爾歸可取魚骨藏於室所須第  
祈之當隨爾也女用其言金璣衣食隨欲而具  
及洞節母往令女守庭果女伺母行遠亦往衣  
翠紡上衣躡金履母所生女認之謂母曰此甚  
似姊也母亦疑之女覺遽反遂遺一隻履爲洞  
人所得母歸但見女抱庭樹眠亦不之慮其洞  
隣海島島中有國名陀汗兵強王數十島水界  
數千里洞人遂貨其履於陀汗國國主得之命

其左右履之足小者履減一寸乃令一國婦人履之竟無一稱者其輕如毛履石無聲陀汗王意其洞人以非道得之遂禁錮而拷掠之竟不知所從來乃以是履棄之於道旁卽遍歷人家捕之若有女履者捕之以告陀汗王怪之乃搜其室得葉限令履之而信葉限因衣翠紡衣躡履而進色若天人也始具事於王載魚骨與葉限俱還國其母及女卽爲飛石擊死洞人哀之埋於石坑命曰懊女塚洞人以爲禱祀求女必

應陀汗王至國以葉限爲上婦一年王貪求祈  
於魚骨寶玉無限逾年不復應王乃葬魚骨於  
海岸用珠百斛藏之以金爲際至徵卒叛時將  
發以贍軍一夕爲海潮所淪成式舊家人李士  
元所說士元本邕州洞中人多記得南中怪事  
太和五年復州醫人王超善用鍼病無不差於午  
忽無病死經宿而蘇言始夢至一處城壁臺殿  
如王者居見一人臥召前袒視左膊有腫大如  
杯令超治之卽爲鍼出膿升餘顧黃衣吏曰可

領畢也超隨入一門門署曰畢院庭中有人眼  
數千聚成山視肉迭瞬明滅黃衣曰此卽畢也  
俄有二人形甚奇偉分處左右鼓巨篴吹激眼  
聚扇而起或飛或走或爲人者頃刻而盡超訪  
其故黃衣吏曰有生之類先死而畢言次忽活  
前秀才李鵠觀於潁川夜至一驛纔臥見物如猪  
者突上廳階鵠驚走透後門投驛廩潛身草積  
中屏息且伺之怪亦隨至聲遶草積數匝瞪目  
相視鵠所潛處忽變爲巨星騰起數道燭天鵠

左右取燭索鵠於草積中已卒矣半日方蘇因說所見未旬無病而死

元和中國子監學生周乙者常夜習業忽見一小

鬼鬚髻頭長二尺餘滿頭碎光如星眨眨

一作熒熒

可惡戲燈弄硯紛搏不止學生素有膽叱之稍却復傍書案因伺其所爲漸逼近乙因擒之踞坐求哀辭頗苦切天將曉覺如物折聲視之乃弊木杓也其上粘粟百餘粒

貞元

一作上元

中蜀郡有僧志功

一作志訥

言住寶相寺持